

וילך משה וישב אל-יתר ^{שיש} ח
 חתנו ויאמר לו אלכה נא
 ואשובה אל-אחי אשר-
 במצרים ואראה העודם
 חיים ויאמר יתרו למשה לך
 לשלום: ויאמר יהוה אל-
 משה במדין לך שב מצרים כי-
 מתו כל-האנשים המבקשים
 את-נפשה: ויקח משה את-
 אשתו ואת-בניו וירכבם על-
 החמר וישב ארצה מצרים
 ויקח משה את-מטה האלהים
 בידו: ויאמר יהוה אל-משה
 בלכתך לשוב מצרימה ראה
 כל-המפתים אשר-שמתי
 בידך ועשיתם לפני פרעה ואני
 אחזק את-לבו ולא ישלח את-
 העם: ואמרת אל-פרעה כה
 אמר יהוה בני בכרי ישראל:
 ואמר אליה שלח את-בני
 ויעבדני ותמאן לשלחו הנה
 אנכי הרג את-בנה בכרה: ויהי
 בדרך במלון ויפגשו יהוה
 ויבקש המיתו: ותקח צפרה
 צר ותכרת את-ערלת בנה
 ותגע לרגליו ותאמר כי חתן-
 דמים אתה לי: וירף ממנו אז
 אמרה חתן דמים למולת:
 ויאמר יהוה אל-אהרן לך

לקראת משה המדברה וילך
 ויפגשו בהר האלהים וישק-
 לו: ויגד משה לאהרן את כל-
 דברי יהוה אשר שלחו ואת
 כל-האמת אשר צוהו: וילך
 משה ואהרן ויאספו את-כל-
 זקני בני ישראל: וידבר אהרן
 את כל-הדברים אשר-דבר
 יהוה אל-משה ויעש האמת
 לעיני העם: ויאמן העם
 וישמעו כי-פקד יהוה את-
 בני ישראל וכי ראה את-
 ענים ויקדו וישתחוו: ואחר
 באו משה ואהרן ויאמרו אל-
 פרעה כה-אמר יהוה אלהי
 ישראל שלח את-עמי ויחגו לי
 במדבר: ויאמר פרעה מי יהוה
 אשר אשמע בקלו לשלח את-
 ישראל לא ידעתו את-יהוה
 וגם את-ישראל לא אשלח:
 ויאמרו אלהי העברים נקרא
 עלינו נלכה נא דרך שלשת
 ימים במדבר ונזבחה ליהוה
 אלהינו פן-יפגענו בדבר או
 בחרב: ויאמר אלהם מלך
 מצרים למה משה ואהרן
 תפריעו את-העם מפעשיו
 לכו לסבלתיכם: ויאמר פרעה
 הן-רבים עתה עם הארץ
 והשבתם אתם מסבלתם:

ויצו פרעה ביום ההוא את-
 הנגשים בעם ואת-שטריו
 לאמר: לא תאספון לתת תבן
 לעם ללבן הלבנים כתמול
 שלשם הם ילכו וקששו להם
 תבן: ואת-מתכנת הלבנים
 אשר הם עשים תמול שלשם
 תשימו עליהם לא תגרעו
 ממנו כי-נרפים הם על-כן
 הם צעקים לאמר נלכה נזבחה
 לאלהינו: תכבד העבדה על-
 האנשים ויעשו-בה ואל-ישעו
 בדברי-שקר: ויצאו נגשי העם
 ושטריו ויאמרו אל-העם
 לאמר כה אמר פרעה אינני
 נתן לכם תבן: אתם לכו קחו
 לכם תבן מאשר תמצאו כי
 אין נגרע מעבדתכם דבר: ויפץ
 העם בכל-ארץ מצרים לקשש
 קש לתבן: והנגשים אצים
 לאמר כלו מעשיכם דבר-יום
 ביומו כאשר בהיות התבן:
 ויפו שטריו בני ישראל אשר-
 שמו עליהם נגשי פרעה לאמר
 מדוע לא כליתם חקכם ללבן
 כתמול שלשם גם-תמול גם-
 היום: ויבאו שטריו בני ישראל
 ויצעקו אל-פרעה לאמר למה
 תעשה כה לעבדיך: תבן אין
 נתן לעבדיך ולבנים אמרים